

INUIT ATAQATIGIIT

Inatsisartuni



UPA 2019/ 222
13.05.2019
Mikivusuk Thomassen

Uunga oqallisissiaq Kalaallit Nunaanni immap naasuunik pitsaanerusumik tunisassiornissaq anguniarlugu, kiisalu annertunerusumik pisuussutit atorluarneqarnissaat pitsaanerusumillu periarfissiuunniarlugit apeqquteqaat aallaavigalugu oqallisissiatut siunnersuut.

(Inatsisartunut ilaasortaq Jens Napâtôk', Partii Naleraq)

Siullermik qujarusuppugut saqqummiisumut ilumoorpoq immap naasui atorluarneqarsinnaasut atorluarneqannginneri siornaakkunni tunisassiatut ingerlanneqaleraluarnikuusut, kisiannili aporfiit annertuallaarneratigut uniinnartariaqartoqarsimavoq uggornaqisumik.

Immap naasui nunarsuarmioqatsitinnik atorluarneqaqisut ilisimalersimavarput, naatsorsuutigisinnaagisinnaavaralu aamma nunatsinni atorluarneqalereersimasut niuertarfinni pisiarineqarnermikkut, naatsorsuutigisinnaavara sorpassuarnut atorluarneqarsinnaasut tassami nerisassiatut nioqqutsissiarineqartarput nunarsuarmioqatsitinnik,

Immap naasui pisuussutitta ilaattut taaneqarsinnaapput isiginngiinnarpagulli immap iluaniimmata sineriak tamakkerlugu immap naasuunik peqartoq oqaatigineqartarpoq, piumaneqarleriartornerallu takuneqarsinnaavoq niuertarfinni pisiassaalernikuullutit nunarsuarmioqatsitinniit suliarineqarsimasut tikisinneqarnermikkut,

Immap naasuunik atorluaannginnerput sooruna taamaattoq? Qanoruna pisariutigisoq tunisassiorsinnaanerput? Suunukua ersarissumik / ersinngitsumik aporfilersuutaasut? Apeqquteqarpassuit uannit sarsuapput tassali imartatta pisuussutaat ukiorpassuarni

atorluarneqanngitsut niuernikkut atorluarneqarsinnaagaluardmata,

Oqaaseqartup oqaatigereerpai siornaakkunni immap naasuunik tunisassioortutuaq
aallartikkaluarpoq immap naasuunik nioqqutissiorluni kisiannili
uniinnartariaqarsimasoq aporfiit peqqutigalugit,

Taamaattoqarnerali uggornarluinnarpoq akuersaarneqarsinnaanngilaq taamaattut
misilittagaqarfiit inerisartuarneqarnissaat pisussaaffigaarput ajornannginnerusumik
tunisassiorsinnaalernissaat anguniarnissaannut,

Taamatut ingerlaannarniaraluarutta nunatsinni pisuussutigut pitsaasumik
niuerutigineqarsinnaasut qulakkeersinnaannginatsigu.

Taamatut oqaaseqarluta oqallisissimik saqqummiisumut qujarusuppunga.